

**Bersama Ahli Sunnah wal Jamaah Menegakkan Kebenaran  
15 Rabiul Awal 1443H / 22 Oktober 2021M**

اَحْمَدُ لِلَّهِ حَمْدُهُ وَنَسْتَعِينُهُ وَنَسْتَغْفِرُهُ وَنَعُوذُ بِاللَّهِ مِنْ شُرُورِ أَنفُسِنَا وَمِنْ سَيِّئَاتِ  
أَعْمَالِنَا مَنْ يَهْدِهِ اللَّهُ فَلَا مُضِلٌّ لَهُ وَمَنْ يُضْلِلُ فَلَا هَادِيَ لَهُ  
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ سَيِّدَنَا مُحَمَّدًا عَبْدُهُ  
وَرَسُولُهُ.  
اَللّٰهُمَّ صَلِّ وَسَلِّمْ وَبَارِكْ عَلٰى سَيِّدِنَا مُحَمَّدٍ وَعَلٰى آلِهِ وَصَحْبِهِ أَجْمَعِينَ .  
أَمَّا بَعْدُ،  
فَيَا عِبَادَ اللَّهِ، اتَّقُوا اللَّهَ، أُوصِيْكُمْ وَإِيَّاهُ يَتَقَوَّى اللَّهُ، فَقَدْ فَازَ الْمُتَّقُونَ.

Marilah kita bersama-sama meningkatkan ketakwaan kepada Allah Subhanahu wa-Ta'ala dengan melaksanakan segala perintah dan meninggalkan segala larangan-Nya. Mudah mudahan kita diberkati dan dirahmati Allah Subhanahu wa-Ta'ala di dunia dan akhirat.

**Sidang Jumaat yang dirahmati Allah Subhanahu wa-Ta'ala**

Akidah Ahli Sunnah Wal Jamaah telah menjadi pegangan di negara kita Malaysia. Muzakarah Jawatankuasa Fatwa Majlis Kebangsaan Bagi Hal Ehwal Ugama Islam Malaysia yang bersidang pada 5 Mei 1996 membuat keputusan menetapkan umat Islam di Malaysia hendaklah hanya mengikut ajaran Islam berasaskan pegangan Ahli Sunnah Wal Jamaah. Dari segi akidah mengikut manhaj al-Asyairah dan al-Maturidiah (mempelajari ilmu tauhid sifat dua puluh) kita menolak sama sekali tauhid tiga serangkai iaitu tauhid uluhiyah, rububiyah

dan asma wa sifat. Manakala syariah pula mengutamakan mengikut qaul muktamad mazhab Imam as-Syafie Radhiallahu anhu atau salah satu daripada mazhab empat dan tasawwuf (akhlak) pula mengikut antaranya pegangan Imam al-Ghazali.

Ahli Sunnah Wal Jamaah diambil berdasarkan hadis riwayat Imam al-Tarmizi bahawa Rasulullah sallallahu alaihi wasallam bersabda:

وَإِنَّ بَنِي إِسْرَائِيلَ تَفَرَّقُتْ عَلَىٰ ثِنَتَيْنِ وَسَبْعِينَ مِلَّةً، وَتَفَرَّقُ أُمَّتِي عَلَىٰ ثَلَاثَةِ  
وَسَبْعِينَ مِلَّةً، كُلُّهُمْ فِي النَّارِ إِلَّا مِلَّةً وَاحِدَةً. قَالُوا: وَمَنْ هِيَ يَا رَسُولَ اللَّهِ؟ قَالَ: مَا  
أَنَا عَلَيْهِ وَأَصْحَابِي.

Yang bermaksud: “Sesungguhnya telah berpecah Bani Israil kepada 72 kelompok. Manakala umatku akan berpecah kepada 73 kelompok di mana kesemuanya akan ke neraka kecuali satu kelompok. Mereka bertanya: Siapakah mereka itu wahai Rasulullah”? Baginda sallallahu alaihi wasallam menjawab: Mereka adalah golongan yang berpegang kepada ajaranku dan para sahabatku.”

Berdasarkan hadis ini, sesiapa sahaja yang berpegang dengan akidah mengikut manhaj al-Asyairah dan al-Maturidiah manakala syariah pula mengikut salah satu daripada mazhab empat, mereka itulah yang dinamakan golongan Ahli Sunnah Wal Jamaah.

### **Sidang Jumaat yang dirahmati Allah Subhanahu wa-Ta’ala**

Kita bersyukur kerana pegangan akidah Ahli Sunnah Wal Jamaah umat Islam sudah berakar umbi sejak kemasukan Islam ke negara ini. Umat Islam

telah sekian lamanya memahami dan mengamalkannya secara seragam. Maka dengan itu, janganlah ada di antara kita yang mempertikaikannya.

### **Sidang Jumaat yang dirahmati Allah Subhanahu wa-Ta'ala**

Kebawah Duli Tuanku Sultan Pahang merupakan Ketua Agama Islam di negeri ini. Melalui Majlis Ugama Islam dan Adat Resam Melayu Pahang, baginda sentiasa mengawasi perjalanan dan pelaksanaan hal ehwal agama, sama ada dalam bentuk akidah dan syariat serta akhlak mengikut pegangan ahli sunnah wal jamaah yang berpandukan al-Quran dan hadis Rasulullah Sallallahu Alaihi Wasallam.

Firman Allah Subhanahu wa Taala dalam surah al Nisa; ayat 59:

أَعُوذُ بِاللَّهِ مِنَ الشَّيْطَنِ الرَّجِيمِ  
يَأَيُّهَا الَّذِينَ إِذَا مَنَّا عَلَيْهِمْ أَطْبَعُوا أَطْبَعُوا اللَّهَ وَأَطْبَعُوا الرَّسُولَ وَأَطْبَعُوا الْأَمْرِ مِنْ كُمْ فَإِنْ تَنْزَعُمُ فِي شَيْءٍ فَرْدُوْهُ إِلَيَّ  
اللَّهِ وَالرَّسُولِ إِنْ كُنْتُمْ تُؤْمِنُونَ بِاللَّهِ وَالْيَوْمِ الْآخِرِ ذَلِكَ خَيْرٌ وَأَحَسَنُ تَأْوِيلًا  


Yang bermaksud: *Wahai orang yang beriman, taatlah kamu kepada Allah dan taatlah kamu kepada Rasulullah dan kepada "Ulil-Amri" (orang yang berkuasa) dalam kalangan kamu. Kemudian jika kamu berbantah-bantah (berselisihan) dalam sesuatu perkara, maka hendaklah kamu mengembalikannya kepada (Kitab) Allah (al-Quran) dan (Sunnah) Rasul-Nya jika kamu benar beriman kepada Allah dan hari akhirat. Yang demikian adalah lebih baik (bagi kamu) dan lebih elok pula kesudahannya."*

بَارَكَ اللَّهُ لِيْ وَلَكُمْ فِي الْقُرْءَانِ الْعَظِيمِ، وَنَفَعَنِي وَإِيَّاكُمْ إِمَّا فِيهِ مِنَ الآيَاتِ وَالذِّكْرِ الْحَكِيمِ،  
وَتَقَبَّلَ مِنِّي وَمِنْكُمْ تِلَاوَتُهُ إِنَّهُ هُوَ السَّمِيعُ الْعَلِيمُ، أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ  
لِيْ وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ، وَالْمُؤْمِنِينَ وَالْمُؤْمِنَاتِ، فَاسْتَغْفِرُوهُ فَيَا فَوْزَ  
الْمُسْتَغْفِرِينَ وَيَا نَجَاهَةَ التَّائِيَنَ.